



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 56. Archiepiscopi responsum ad Capituli sui appallationem.

[urn:nbn:de:hbz:466:1-66615](https://nbn-resolver.de/urn/resolver.pl?urn=urn:nbn:de:hbz:466:1-66615)

Sæcul. XVI. nem, atque evocavit Bucerum, hominem
A.C. 1544. Monasticæ professionis desertorem, & bis in-
 cestis nuptiis pollutum, & doctrinæ sacra-
 mentariae defensorem, eique munus Ecclesi-
 sticum demandavit, & novos instituit passim
 populi Doctores, homines profligatos, at-
 que perditos: illis etiam authoribus conscri-
 pta est reformationis formula, ex mandato
 Principis edita: reclamavimus quidem hi
 omnibus vehementer, & Archiepiscopum, ut
 Concilii tempus exspectaret, aut saltem ad
 Imperii Conventum usque differret, sæpe
 quidem, sed frustra tamen oravimus: cum
 autem sit lamentabilis Provinciæ status, &
 ad summam perturbationem omnia spédent,
 nec ille sese flecti patiatur, necessario con-
 sumimus ad extreum remedium, & provoca-
 mus ad Pontificem maximum, & ad Ca-
 rarem, Ecclesiæ Dei summum Advocatum &
 Protectorem, eorumque tutelæ nos nostra-
 que omnia committimus.

Hic erat exitus Coloniensis Con-
 ventus, cui Georgius Brunsicensis
 Henrici frater, utpote Cathedralis Ca-
 pituli Præpositus præerat.

§. LVI.

*Archiepiscopi responsum ad Capituli
 sui appellationem.*

Archiepiscopus comperta Capituli sui
 sententia edito libello hunc in mo-
 dum

dum respondit: *Nulla est caussa appella-* Sæcul. XVI.
tionis; nihil enim feci præter officium meum, A. C. 1544.
itaque rejicio provocationem, atque spem ha-
beo, futurum, ut ab incœpto illi desistant:
sin autem, progressurus sum nihilominus in
illis, quæ ad gloriam Dei, & ad Ecclesiæ
emendationem pertinent. Alio deinde scri-
pto criminationes eorum refutare nite-
batur: Neque cum Luthero, ajebat, ne-
que cum Bucero mihi quicquam est negotii
privati, sed eorum doctrinam, quæ sacræ
Literis consentit, habeo pro vere Apostoli-
ca, & plane digna doctrina, quam omnes
recipient: damnatus quidem est Lutherus ab
Ecclesia Romana, sed indicia caussa, vio-
lenter & tyrannice: de edicto Wormatiensi,
quo Lutherum fuisse condemnatum dicunt,
nihil unquam mihi fuit compertum prius,
quam hoc edictum in vulgus exiisset typis
excusum: quod ergo de consensu Principum
esse factum affirmant, ad me minime perti-
net, cum mihi nihil unquam ejus rei fuerit
communicatum: Decretum Augustanum de
Religione factum mihi nunquam placuit, cum
que nonnulli Principes multa Cæsari tum
pollicerentur, & pro Religione Pontificia
tuenda fortunas omnes deferrent, mandavi
tum meis Consiliariis, ne quid ejusmodi pro-
mitterent, imo, ut claris verbis contra testi-
ficarentur: illi autem non hoc fecerunt, quod
habebant in mandatis, & reticentiae caussa
nonnullis est nota, qui nunc inter adversarios
Hist. Eccles. Tom. XXXVIII. S pri-

Sæcul. XVI. primum locum obtinent: quod cum ita sit,
 A.C. 1544. editio illo minime obligor, atque licet deviri-
 dus aliquando fuerim, agnita tamen verita-
 te non amplius teneor; nullum enim passum
 aut jurandum, quo Dei violatur honor,
 vim ullam habet: Ratisbonensi autem De-
 creto mihi, & quibusvis aliis Episcopis non
 modo permisum, sed injunctum etiam est
 munus emendationis Ecclesiastice: quod Bu-
 cero ad hoc opus accersiverim, factum est
 cum primis impulsu Gropperi, qui mihi ve-
 hementer illum prædicavit & coram & per
 literas, ut doceri possit: ego quidem in Bu-
 cero nihil deprehendi, quod sit alienum vel
 indignum viro bono: permagni etiam est mo-
 menti, quod Ratisbonensi colloquio Cæsar
 illum ut hominem pium, doctum, & paci-
 amantem adhibuit: idem meum est judicium
 de ceteris etiam Ecclesiæ Ministris a me con-
 stitutis.

Accepto hoc Archiepiscopi responso
 Clerus Colonensis rursus ad diem de-
 cimam octavam Novembris conventum
 agere, ac reliquos Ordines convocare co-
 gebatur, ut & illi appellationi subscribe-
 rent, nec minus idem etiam a ceteris u-
 niversæ Provinciæ Ecclesiis, atque Uni-
 versitatibus magis remotis exigebatur,
 exauctorationis poena omnibus indicta,
 qui morem gerere recusarent (*).

§. LVII.

(*) Nec hic stetit Colonensium religio;
 quippe